

“ТАСДИҚЛАНГАН”
“O‘zagrolizing”
акциядорлик жамияти
Кузатув кенгашининг
2023 йил 03 июлдаги
315-сонли баёни қарори асосида



“ТАСДИҚЛАЙМАН”
“O‘zagrolizing”
акциядорлик жамияти
Бонкарув раиси
Н.С.Отажонов

31 «Октябрь» 2023 йил.

“O‘ZAGROLIZING”
aksiyadorlik jamiyati
У С Т А В И
(янги таҳрирда)

ТОШКЕНТ - 2023 й.

1. ЖАМИЯТНИНГ НОМИ, ЖОЙЛАШГАН МАНЗИЛИ, ЖАВОБГАРЛИГИ ВА ҲУҚУҚИЙ ҲОЛАТИ

1. Ўзбекистон Республикаси Вазирлар Маҳкамасининг 1999 йил 30 октябрдаги 486-сонли “Ўзқишлоқхўжаликмашлизинг” акциядорлик лизинг компаниясини ташкил этиш тўғрисида”ги карори ва Таъсисчилар томонидан 1999 йил 26 ноябрда имзоланган Таъсис шартномасига мувофиқ ташкил этилган Aksiyadorlik jamiyati “O‘zqishloqxo‘jalikmashlizing” aksiyadorlik lizing kompaniyasi номи Ўзбекистон Республикаси Президентининг “Ўзагротехсаноатхолдинг” акциядорлик жамиятини ташкил этиш тўғрисида”ги 2016 йил 17 ноябрдаги ПФ-4857-сонли Фармонига асосан “O‘zagrolizing” aksiyadorlik jamiyati (бундан кейин “Жамият” деб аталади) деб ўзгартирилди.

“O‘zagrolizing” aksiyadorlik jamiyati барча ҳуқук ва мажбуриятлар бўйича Aksiyadorlik jamiyati “O‘zqishloqxo‘jalikmashlizing” aksiyadorlik lizing kompaniyasining ҳуқукий вориси хисобланади.

Ўзбекистон Республикаси Президентининг 2018 йил 4 сентябрдаги “Қишлоқ хўжалиги машинасозлиги тармогини бошқариш тизимини такомиллаштириш чора-тадбирлари тўғрисида”ги ПҚ-3929-сонли Қарорига асосан “Ўзагролизинг” АЖ “Ўзагротехсаноатхолдинг” АЖ ташкилий тузилмасидан чиқарилган.

2. Жамият ўзининг ташкилий-ҳуқукий шакли кўрсатилган тўлиқ фирма номига ва қисқартирилган фирма номига эга.

3. Жамиятнинг номи:

Ўзбекистон Республикасининг давлат тилида:

- тўлиқ номи: “O‘zagrolizing” aksiyadorlik jamiyati;
- қисқартма номи: “O‘zagrolizing” AJ

Рус тилида:

- тўлиқ номи: Акционерное общество “Узагролизинг”;
- қисқартма номи: АО “Узагролизинг”.

Инглиз тилида:

- тўлиқ номи: “Uzagroleasing” Joint Stock Company;
- қисқартма номи: “Uzagroleasing” JSC.

4. Жамиятнинг:

жойлашган ери (почта манзили) - 100011, Ўзбекистон Республикаси, Тошкент шахри, Бобур кўчаси, 42A- уй;

электрон почта манзили – info@agroleasing.uz;

расмий корпоратив веб-сайти - www.uzal.uz.

5. Жамият юридик шахс хисобланади ва ўз фаолиятини Ўзбекистон Республикасининг Фуқаролик кодекси, Ўзбекистон Республикасининг “Акциядорлик жамиятлари ва акциядорларнинг ҳукуқларини ҳимоя қилиш тўғрисида”, “Кимматли қоғозлар бозори тўғрисида”, “Лизинг тўғрисида”ги қонунлари ва бошқа меъёрий-ҳуқукий ҳужжатларга ҳамда ушбу Уставга мувофиқ амалга оширади.

6. Жамиятнинг ташкилий-ҳуқукий шакли – Акциядорлик жамияти.

7. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

8. Акциядорлар жамиятнинг мажбуриятлари юзасидан жавобгар бўлмайди ва унинг фаолияти билан боғлиқ заарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

9. Акцияларнинг ҳакини тўлиқ тўламаган акциядорлар жамиятнинг мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўлади.

Жамият ўз акциядорларининг мажбуриятлари юзасидан жавобгар бўлмайди.

10. Жамият юридик шахс бўлиб, у ўз мустакил балансида ҳисобга олинадиган алоҳида мол-мулкка, шу жумладан ўзининг устав фондига берилган мол-мулкка эга бўлади, ўз номидан мулкий ва шахсий номулкий хуқукларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

11. Жамият давлат рўйхатидан ўtkазилган пайтдан эътиборан юридик шахс мақомига эга бўлади.

12. Жамият Ўзбекистон Республикаси худудида ва ундан ташқарида банк ҳисобварақлари очишга ҳақлиdir.

13. Жамият ўзининг фирма номи давлат тилида тўлиқ ёзилган ҳамда жойлашган ери кўрсатилган юмалоқ муҳрга эга. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

14. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўtkазилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

2. ЖАМИЯТНИНГ ФАОЛИЯТ СОҲАСИ (АСОСИЙ ЙЎНАЛИШЛАРИ), МАҚСАДИ ВА МУДДАТЛАРИ

15. Жамият тижорат ташкилоти бўлиб дехкон, фермер ва ширкат хўжаликлариiga, “Ўзагросервис” акциядорлик жамияти тизимидағи худудий корхоналарга ҳамда бошқа корхона ва ташкилотларга (бундан кейин “лизинг олувчилар” деб аталади) уларнинг буюртмаларига мувофик сотиб олинадиган қишлоқ хўжалик техникаларининг барча турлари, автотранспорт ва мототранспорт воситалари, экскаваторлар, технологик ускуна ва жиҳозларни, чорвачилик техникалари, зоотехника жиҳозлари ва механизация воситаларини (бундан кейин “техникалар” деб аталади) лизингга бериш ҳисобидан лизинг хизмати кўрсатиш орқали фойда олиш мақсадида тузилди.

16. Жамиятнинг фаолият соҳаси (асосий йўналишлари) куйидагилардан иборат:

16.1. Лизинг олувчиларнинг лизинг асосида реализация қилинган замонавий қишлоқ хўжалиги ва бошқа техникаларга, ускуналар ҳамда мини технологияларга бўлган талабларини ўрганиш;

агар йўналишдаги фаолиятнинг устуворлигини таъминлаган ҳолда лизинг фаолияти йўналишларини диверсификациялаш ва кенгайтириш;

замонавий, халқаро стандартларга жавоб берадиган лизинг хизматлари турларини ва инновацион молиявий маҳсулотларни жорий этиш;

агросаноат комплекси, иқтисодиётнинг реал сектори корхоналарининг лизинг лойиҳалари ва тадбиркорликни молиялаштириш учун хорижий кредит линиялари ва халқаро молия институтларининг маблагларини жалб этиш;

лизинг хизматларини кўрсатиш соҳасига замонавий корпоратив бошқарув услубларини жорий этиш ва кадрлар малакасини ошириш.

16.2. Моддий ёки номоддий актив кўринишидаги кўчар ва кўчмас мулкни сотиб олади, лизингга, шу жумладан қайтариладиган шаклдаги лизингга беради, ижарага беради, алмаштиради ёки мазкур мулк билан боғлиқ бўлган бошқа ҳар қандай ҳукуқ ва манфаатларни амалга оширади.

16.3. Бошқа юридик шахсларнинг акцияларини сотиб олиш ёки уларнинг устав фондига улуш қўшиш натижасида, мазкур юридик шахснинг фаолияти натижасидан келиб тушадиган дивидендларни тасарруф этади.

16.4. Юридик ва жисмоний шахслар билан мустақил равишда контракт (шартнома) ва битимлар тузади, қонунчилик ҳужжатларида ман этилмаган ва ушбу уставда кўрсатилмаган фаолият турлари билан қонунчилик ҳужжатларида белгиланган тартибда шугулланади, Ўзбекистон Республикаси худудида ва ундан ташқарида ўзига мажбуриятлар қабул қиласди.

16.5. Ўзига қабул қилган ҳар қандай мажбуриятларни кўчмас мулк ёки мажбуриятларни таъминлашнинг бошқача усуслари билан таъминлайди.

16.6. Ўз шўъба ва тобе хўжалик жамиятлари фаолиятини таъминлаш учун зарур бўлган ҳолларда кафиллик бериш бўйича битимлар тузади.

16.7. Ўз мақсадларига эришиш учун қарз ва кредит маблаглари олади ва олинган маблагларнинг қайтарилишини таъминлаш мақсадида уларни моддий ва номоддий активлар кўринишида кўчар ва кўчмас мулк сифатида сармоя қилиб киритади.

16.8. Ўзбекистон Республикасининг амалдаги қонунчилиги доирасида ташқи иқтисодий фаолиятни амалга оширади.

16.9. Асосий фаолиятдан ташқари қўшимча фойда олиш мақсадида Жамият, Ўзбекистон Республикасининг амалдаги қонунчилик ҳужжатлари билан таъқиқланмаган бошқа фаолият турларини амалга ошириши мумкин.

16.10. Ўзбекистон Республикаси ва чет эл фуқароларини амалдаги қонунчилик ҳужжатларида белгиланган тартибларда ишга қабул қиласди, уларга ойлик иш ҳаки миқдори ва тўлов шаклини белгилайди, рағбатлантириш ва имтиёзлар бериш тартибларини ишлаб чиқади ва қўллайди.

17. Жамиятнинг фаолият муддати чекланмаган.

3.УСТАВ ФОНДИ МИКДОРИ

18. Жамиятнинг устав фонди акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акцияларнинг номинал қиймати бир хил бўлиши керак.

19. Жамиятнинг устав фонди жамият мол-мулкининг жамият кредиторлари манфаатларини кафолатлайдиган энг кам миқдорини белгилайди.

20. Жамият оддий акцияларни, шунингдек имтиёзли акцияларни жойлаштиришга ҳақлидир. Жойлаштирилган имтиёзли акцияларнинг номинал қийматдаги умумий миқдори жамият устав фондининг 20 фоизидан ошмаслиги лозим.

21. Жамиятнинг мол-мулки, унинг акцияларини сотиб олиш ҳисобига киритилган устав фондидан, хўжалик фаолияти натижасида олинган даромад ҳамда Ўзбекистон Республикаси қонунчилиги доирасида кўлга киритилган бошқа мол-мулкдан иборатdir.

22. Жамиятнинг устав фонди миқдори 391 581 837 855 (уч юз тўқсон бир миллиард беш юз саксон бир миллион саккиз юз ўттиз етти минг саккиз юз эллик беш) сўмни ташкил этади.

Жамият жойлаштирилган акцияларига қўшимча равишда жойлаштиришга ҳақли бўлган эълон қилинган (қўшимча) акцияларнинг энг кўп миқдорини 162 218 934 (бир юз олтмиш икки миллион икки юз ўн саккиз минг тўққиз юз ўттиз тўрт) дона, эгасининг номи ёзилган, оддий, хужжатсиз шаклдаги, номинал қиймати 2 535 сўм бўлган, умумий қиймати 411 224 997 690 (тўрт юз ўн бир миллиард икки юз йигирма тўрт миллион тўққиз юз тўқсон етти минг олти юз тўқсон) сўмлик акциялар этиб белгиланади.

Эълон қилинган (қўшимча) 162 218 934 (бир юз олтмиш икки миллион икки юз ўн саккиз минг тўққиз юз ўттиз тўрт) дона эгаси номи ёзилган, оддий, хужжатсиз шаклдаги, номинал қиймати 2 535 сўм бўлган, умумий қиймати 411 224 997 690 (тўрт юз ўн бир миллиард икки юз йигирма тўрт миллион тўққиз юз тўқсон етти минг олти юз тўқсон) сўм акциялар очиқ ёки ёпик обуна усули билан жойлаштирилади.

4.УСТАВ ФОНДИНИ КЎПАЙТИРИШ ВА КАМАЙТИРИШ ТАРТИБИ

23. Жамиятнинг устав фонди қўшимча акцияларни жойлаштириш йўли билан кўпайтирилиши мумкин.

Кўшимча акциялар фактат жамият уставида белгиланган, эълон қилинган акцияларнинг сони доирасида жамият томонидан жойлаштирилади.

24. Жамият устав фондини кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар жамиятнинг кузатув кенгаши томонидан қабул қилинади.

Жамият устав фондини кўпайтириш тўғрисидаги қарорда жойлаштириладиган қўшимча оддий акцияларнинг ва имтиёзли акцияларнинг сони, уларни жойлаштириш муддатлари ҳамда шартлари белгиланган бўлиши керак.

25. Жамият устав фондини кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда жамият уставида кўрсатилган, эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига камайтирилиши керак.

26. Жамият Кузатув кенгаши томонидан қабул қилинган қўшимча акцияларни чиқариш ҳақидаги қарор Жамиятнинг устав фондини кўпайтириш тўғрисидаги қарордир.

27. Жамиятнинг устав фондини кўпайтириш жалб қилинган инвестициялар, жамиятнинг ўз капитали ва хисобланган дивидендлар хисобидан қонун хужжатларида белгиланган тартибда амалга оширилиши мумкин.

28. Жамият устав фондини унинг ўз капитали хисобидан кўпайтиришда кўшимча акциялар барча акциядорлар ўртасида тақсимланади. Бунда, ҳар бир акциядорга қайси турдаги акциялар тегишли бўлса, айни ўша турдаги акциялар унга тегишли акциялар сонига мутаносиб равишда тақсимланади. Жамиятнинг устав фонди кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, жамиятнинг устав фондини кўпайтиришга йўл қўйилмайди.

29. Соликка оид ёки давлат олдидағи бошқа қарздорлик хисобига жамият устав фондидағи давлат улушини шакллантириш ёки ошириш тўгрисидаги қарор жамият акциядорлари умумий йигилиши томонидан жамиятнинг жойлаштирилган овоз берувчи акцияларининг камида учдан икки қисми эгалари бўлган акциядорларнинг (давлатдан ташқари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

30. Жамиятнинг устав фонди акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда жамият томонидан акцияларни олиш йўли билан камайтирилиши мумкин.

31. Жамият устав фондини камайтиришга, агар бунинг натижасида унинг миқдори жамият устав фондининг жамият уставидаги тегишли ўзгартишларни давлат рўйхатидан ўтказиш санасида аникланадиган амалдаги қонунчилик хужжатларида белгиланган энг кам миқдоридан камайиб кетса, ҳақли эмас.

32. Жамият устав фондини камайтириш тўгрисидаги ва жамият уставига тегишли ўзгартишлар киритиш ҳақидаги қарорлар акциядорларнинг умумий йигилиши томонидан қабул қилинади.

33. Жамиятнинг устав фондини камайтириш тўгрисида қарор қабул қилинаётганда акциядорларнинг умумий йигилиши устав фондини камайтириш сабабларини кўрсатади ва уни камайтириш тартибини белгилайди.

34. Жамиятнинг акциялари фонд биржасининг биржа котировкаси варагига киритилган тақдирда, Жамият фонд биржасининг расмий веб-сайтида жамият уставининг матнини, шу жумладан, унга доир ўзгартиш ва кўшимчаларни қонун хужжатларида белгиланган тартибда эълон қилиши шарт.

5. ЖАМИЯТНИНГ АКЦИЯЛАРИ, УЛАРНИНГ НОМИНАЛ ҚИЙМАТИ, АКЦИЯЛАРГА БЎЛГАН ҲУҶУҚЛАРНИ ЎТИШИ ВА АХБОРОТНИ ОШКОР ҚИЛИШ

35. Акцияларни чиқариш, рўйхатдан ўтказиш, тарқатиш ва жойлаштириш, улар бўйича дивидендлар тўлаш тартиби амалдаги қонунчиликка ва ушбу уставга мувофиқ белгиланади.

36. Жамият қонун хужжатларига ва ўз уставига мувофиқ корпоратив облигацияларни ва бошқа қимматли қоғозларни чиқаришга ҳамда жойлаштиришга ҳақли.

37. Жамият акцияларининг номинал қиймати 2535 (икки минг беш ўттиз беш) сўм этиб белгиланади. Жамият томонидан чиқариладиган барча акцияларнинг номинал қиймати бир хилдир.

38. Жамиятнинг жами акциялари сони 154 470 153 (бир юз эллик тўрт миллион тўрт юз етмиш минг бир юз эллик уч) донадан иборат. Шундан, жойлаштирилган акциялари 391 531 137 855 (уч юз тўқсон бир миллиард беш юз ўттиз бир миллион бир юз ўттиз етти минг саккиз юз эллик беш) сўмлик 154 450 153 (бир юз эллик тўрт миллион тўрт юз эллик минг бир юз эллик уч) дона эгаси номи ёзилган оддий, хужжатсиз шаклдаги ва 50 700 000 (эллик миллион етти юз минг) сўмлик 20 000 (йигирма минг) дона имтиёзли акциялардан иборат.

39. Жамиятнинг қимматли қоғозлари фонд биржасининг биржа котировкаси варагига киритилган бўлса, уларнинг биржа котировкалари мазкур қимматли қоғозларнинг бозор қиймати деб эътироф этилади.

40. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, молмулк, шунингдек пулда ифодаланадиган баҳога эга бўлган хукуқлар (шу жумладан мулкий хукуқлар) орқали амалга оширилади.

41. Жамиятнинг қўшимча акцияларига ушбу акцияларни чиқариш тўғрисидаги қарорда кўрсатилган жойлаштириш муддати ичida ҳақ тўланиши лозим.

42. Акцияларга бўлган хукуқлар акцияларни олувчига унинг депо хисобварагига тегишли кирим ёзуви киритилган пайтдан эътиборан ўтади ва конун хужжатларида белгиланган тартибда қимматли қоғозлар Марказий депозитарий ва/ёки инвестиция воситачилари томонидан бериладиган депо хисобварагидан кўчирма билан тасдиқланади.

Акция билан тасдиқланадиган хукуқлар уларни олувчига ушбу қимматли қоғозга бўлган хукуқлар ўтган пайтдан эътиборан ўтади.

43. Жамият қонун хужжатларида белгиланган тартибда ва муддатларда ахборотни ошкор қиласи. Жамият ахборотни:

Жамиятнинг расмий веб-сайтида;

Фонд биржасининг расмий веб-сайтида;

қимматли қоғозлар эмиссия рисоласида;

Жамиятнинг йилнинг ҳар чорагидаги ва йиллик ҳисоботида;

Жамиятнинг фаолиятидаги муҳим фактлар тўғрисидаги хабарларда ошкор қиласи.

44. Жамият ва унинг мансабдор шахслари матбуотда ҳамда расмий веб-сайтида эълон қилинган маълумотларнинг ишончлигига амалдаги конунчиликда ўрнатилган тартибларда жавобгардирлар.

6. ДИВИДЕНДЛАРНИ ТАҚСИМЛАШ ВА ЗАРАРЛАРНИ ҚОПЛАШ ТАРТИБИ

45. Дивиденд жамият соғ фойдасининг акциядорлар ўртасида тақсимланадиган қисмидир.

46. Жамият акцияларнинг ҳар бир тури бўйича эълон қилинган дивидендерни тўлаши шарт.

47. Дивиденд акциядорларнинг умумий йигилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

48. Жамиятнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди. Имтиёзли акциялар бўйича дивидендлар ушбу акциялар номинал қийматининг 25 фоизига тенг бўлган миқдорда белгиланган йиллик фоиз ставкаси даражасида тўланади.

49. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

50. Жамият молиявий йил натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

51. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хulosаси мавжуд бўлган тақдирда, молиявий ҳисобот маълумотлари асосида акциядорларнинг умумий йигилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас. Акциядорларнинг умумий йигилиши акцияларнинг муайян турлари бўйича дивидендлар тўламаслик тўғрисида, шунингдек жамият уставида дивиденд миқдори белгилаб қўйилган имтиёзли акциялар бўйича тўлиқ бўлмаган миқдорда дивидендлар тўлаш ҳақида қарор қабул қилишга ҳақли. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

52. Дивидендлар жамиятнинг жамият тасарруфида коладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича дивидендлар жамиятнинг бунинг учун маҳсус мўлжалланган фондлари ҳисобидан ҳам тўланиши мумкин.

53. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

54. Жамият томонидан оддий акциялар бўйича ҳисобланган дивидендларни тўлаш акциядорларнинг дивидендларни олишга бўлган тенг хукукларига риоя этилган ҳолда амалга оширилади.

55. Дивидендларни тўлаш чоғида биринчи навбатда имтиёзли акциялар бўйича, сўнгра оддий акциялар бўйича дивидендлар тўланади. Имтиёзли акциялар бўйича қатъий белгиланган дивидендларни тўлаш учун етарли миқдорда фойда мавжуд бўлган тақдирда жамият мазкур акцияларнинг эгаларига дивидендлар тўлашни рад этишга ҳақли эмас. Жамият рад этган тақдирда акциядорлар дивидендлар тўланишини суд тартибида талаб қилиши мумкин. Жамият етарли миқдорда фойдага эга бўлмаган ёки заар қўриб ишлаётган тақдирда, имтиёзли акциялар бўйича дивидендлар жамият томонидан жамиятнинг факат шу мақсад учун ташкил этилган захира фонди ҳисобидан ва ушбу фонд доирасида тўланиши мумкин.

56. Дивидендлар акциядорларнинг умумий йигилиши томонидан белгиланган муддатларда жамиятнинг айби билан тўланмаган (олинмаган) тақдирда, тўланмаган (олинмаган) дивидендлар бўйича Ўзбекистон

Республикаси Марказий банки томонидан белгиланган қайта молиялаштириш ставкасидан келиб чиқкан ҳолда пеня ҳисобланади. Тўланмаган (олинмаган) дивидендлар бўйича ҳисобланадиган пенялар микдори тўланмаган (олинмаган) дивидендлар микдорининг 50 фоизидан ортиқ бўлмаслиги керак.

57. Акциядор жамият томонидан ҳисобланган дивидендлар ва пенялар тўланишини суд тартибида талаб қилишга ҳакли. Акциядорнинг талаблари суд томонидан қаноатлантирилганда дивидендлар жамият томонидан тўланмаган тақдирда, жамиятга нисбатан қонун хужжатларида белгиланган тартибида тўловга қобилиятсизликни бартараф этиш ёки банкрот деб эълон қилиш тартибаомили қўлланилади.

58. Эгаси ёки эгасининг қонуний хуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йигилиши қарорига кўра жамият ихтиёрида қолади.

59. Акциядорларга дивидендларни тўлаш тўғрисида қарор қабул қилинган акциядорларнинг умумий йигилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш хуқукига эга.

60. Жамият:

- Жамият устав фондининг ҳаммаси унинг таъсис этилиши чогида тўлиқ тўлаб бўлингунинг қадар;

-агар дивидендлар тўланадиган пайтда жамиятда банкротлик белгилари мавжуд бўлса ёки жамиятда шундай белгилар дивидендларни тўлаш натижасида пайдо бўлса;

-агар жамият соф активларининг қиймати унинг устав фонди ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳакли эмас.

Ушбу бандда кўрсатилган ҳолатлар тугатилгач, жамият ҳисобланган дивидендларни акциядорларга тўлаши шарт.

61. Жамият дивидендларнинг микдорини улардан ундириладиган солиқларни инобатга олмаган ҳолда эълон қиласи. Жамият тўланадиган дивидендлар микдори тўғрисидаги маълумотларни қимматли қофозлар бозорини тартибга солиш бўйича ваколатли давлат органининг ва жамиятнинг расмий веб-сайтларида қонун хужжатларида белгиланган муддатларда эълон қиласи.

7. ЖАМИЯТНИНГ ЗАХИРА ВА БОШҚА ФОНДЛАРИНИ ТУЗИШ

62. Жамият соф фойда ҳисобидан куйидаги фонд ва жамғармаларни тузади:

- захира фонди;
- валюта фонди;
- меҳнатни муҳофаза қилиш фонди;

- акциядорларнинг умумий йигилиши томонидан аниқлаб берилган ва Жамият фаолияти учун керак бўлган бошқа фондлар.

63. Бошқа маблағлар мавжуд бўлмаган тақдирда, жамиятнинг захира фонди жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича

дивидендлар тўлаш ва жамиятнинг акцияларини қайтариб сотиб олиш учун мўлжалланади.

Жамиятнинг захира фондидан бошқа мақсадлар учун фойдаланиш мумкин эмас.

64. Захира фонди Жамият устав фондининг 15 фоизидан кам бўлмаган микдорда ташкил этилади.

65. Жамиятнинг захира фонди ушбу уставнинг 64-бандида белгиланган микдорга етгунига қадар соф фойдадан камида 5 (беш) фоизини ҳар йилги мажбурий ажратмалар ўtkазиш орқали ташкил этилади.

66. Захира фонди тўлик ёки қисман сарф этилганда мажбурий ажратмалар ўtkазиш қайтадан амалга оширилади.

8. АКЦИЯДОРЛАРНИНГ ҲУҚУҚ ВА МАЖБУРИЯТЛАРИ

67. Акциядорлар:

- Жамият акциядорларининг реестрига киритилиш;
- депо хисобварагидан ўзига тааллукли кўчирма олиш;
- Жамият фойдасининг бир қисмини дивидендлар тарзида олиш;
- Жамият тугатилган тақдирда ўзларига тегишли улушга мувофиқ молмulkning бир қисмини олиш;
- акциядорларнинг умумий йиғилишларида овоз бериш орқали Жамиятни бошқаришда иштирок этиш;
- Жамиятнинг молия-хўжалик фаолияти натижалари тўғрисида тўлик ва ишончли ахборотни белгиланган тартибда олиш;
- олган дивидендини эркин тасарруф этиш;
- қимматли қофозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган заарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қофозларни олишда заар кўриш, шу жумладан бой берилган фойда эҳтимоли билан боғлик таваккалчиликларни сугурта қилиш;
- Жамиятнинг 1 фоиздан кам бўлмаган оддий акциялари эгалари кузатув кенгаши мажлисини чақиришни талаб қилиш ва кун тартиби, фойдани тақсимлаш, бошқарув ва назорат органи аъзолигига уларнинг номзодини (умумий йиғилиш ўтказилгунга қадар алмаштириш имконияти билан) кўрсатиш юзасидан таклиф киритиш;
- Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин 90 кундан кечиктирмай, акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгашига бу органинг микдор таркибидан ошмайдиган тарзда номзодлар кўрсатиш;
- акциядорлар, шу жумладан, миноритар акциядорлар овоз беришда уларнинг биргаликдаги позициясини шакллантириш учун акциядорлик битимини тузиш;

- қўшимча акциялар чиқарилган тақдирда акциядорлар устав фондидағи улушига пропорционал равишда имтиёзли сотиб олиш;

- ушбу уставда назарда тутилган ҳолларда ва тартибда Жамият фаолияти тўғрисида Жамиятнинг Кузатув кенгаши ва бошқа бошқарув органларига уларнинг ваколатига қараб кўриб чиқиш учун таклифлар киритиш хукукига эгадирлар;

- Жамият Устав капиталининг камидаги 5 фоиз улушига эга акциядорларга аудиторлик текширувани ўтказиш талаби билан чиқиш;

Акциядорлар амалдаги қонунчиликда ва ушбу уставда назарда тутилган бошқа хукукларга ҳам эгадирлар.

68. Бир турдаги акция унга эгалик қилувчи ҳар бир акциядорга шу турдаги акцияларнинг бошқа эгалари билан бир хил бўлган хажмдаги хукукларни беради.

69. Оддий акцияларнинг эгалари бўлган акциядорлар Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонунига ва ушбу уставга мувофиқ акциядорларнинг умумий йиғилишида мазкур йиғилиш ваколатига кирадиган барча масалалар бўйича овоз бериш хукуки билан иштирок этиши мумкин, шунингдек дивидендлар олиш, жамият тугатилган тақдирда эса, ўзларига тегишли улушга мувофиқ жамият мол-мулкининг бир қисмини олиш хукукига эга.

70. Имтиёзли акцияларнинг эгалари бўлган акциядорлар, Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонунида ва ушбу уставда бошқача қоида белгиланмаган бўлса, акциядорларнинг умумий йиғилишида овоз бериш хукукига эга эмас.

71. Имтиёзли акцияларнинг эгалари амалдаги қонунчилик меъёrlарида белгиланган бошқа хукукларга ҳам эгадир.

9. ЖАМИЯТНИНГ БОШҚАРУВ ОРГАНЛАРИ

72. Жамиятнинг бошқарув органлари бўлиб Акциядорларнинг Умумий йиғилиши, Кузатув кенгаши ва Жамият Бошқаруви ҳисобланади.

10. АКЦИЯДОРЛАРНИНГ УМУМИЙ ЙИҒИЛИШИ

73. Акциядорларнинг умумий йиғилиши жамиятнинг юқори бошқарув органидир.

74. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

75. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

76. Акциядорларнинг йиллик умумий йиғилиши ҳар йили одатда 30 июнгача бўлган муддатда ўтказилади.

77. Акциядорларнинг йиллик умумий йиғилишида жамиятнинг кузатув кенгашини сайлаш тўғрисидаги, жамиятнинг Бошқарув раиси билан тузилган шартноманинг муддатини узайтириш, уни қайта тузиш ёки бекор қилиш

мумкинлиги ҳақидаги масалалар ҳал этилади, шунингдек ушбу Уставнинг 80-бандининг ўн биринчи ва ўн иккинчи хатбошларига мувофиқ жамиятнинг йиллик ҳисоботи жамият бошқаруви ва кузатув кенгашининг жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисботлари ва бошқа хужжатлари кўриб чиқилади.

Бошқарув раиси билан тузилган шартноманинг муддатини сурункасига икки мартадан ортиқ муддатга узайтиришга йўл қўйилмайди.

78. Акциядорларнинг йиллик умумий йигилишидан ташқари ўтказиладиган умумий йигилишлари навбатдан ташқари йигилишлардир.

79. Акциядорларнинг умумий йигилишини ўтказиш санаси ва тартиби, йигилиш ўтказилиши ҳақида акциядорларга хабар бериш тартиби, акциядорларнинг умумий йигилишини ўтказишга тайёргарлик вақтида акциядорларга бериладиган материаллар (ахборот)нинг рўйхати Жамиятнинг Кузатув кенгаши томонидан белгиланади.

80. Акциядорлар умумий йигилишининг ваколат доирасига қуйидагилар киради:

жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш, жамият уставига жамиятнинг устав фондини (устав капиталини) кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш бундан мустасно;

жамиятни қайта ташкил этиш;

жамиятни тугатиш, тугатиш комиссиясини тайинлаш ҳамда оралиқ ва якуний тугатиш балансларини тасдиқлаш;

жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг кўп миқдорини белгилаш;

жамиятнинг устав фондини камайтириш;

ўз акцияларини олиш;

жамиятнинг ташкилий ва ижро этувчи аппарати тузилмасини тасдиқлаш;

жамиятнинг ижроия органини тузиш. Жамият Бошқарув раисини сайлаш ва унинг ваколатларини муддатидан илгари тугатиш;

жамиятнинг йиллик ҳисботини, шунингдек жамият фаолиятининг асосий йўналишлари ва мақсадидан келиб чиқкан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

жамиятнинг фойдаси ва заарларини тақсимлаш;

жамият кузатув кенгашининг ўз ваколат доирасига кирадиган масалалар юзасидан, шу жумладан, жамиятни бошқаришга доир қонун хужжатларида белгиланган талабларга риоя этилиши юзасидан жамият кузатув кенгашининг ҳисботларини эшлиши;

имтиёзли хуқукни қўлламаслик тўғрисида Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Конунининг 35-моддасида назарда тутилган қарорни қабул қилиш;

акциядорлар умумий йиғилишининг регламентини тасдиқлаш; акцияларни майдалаш ва йириклиштириш;

Ўзбекистон Республикасининг “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонунининг 8- ва 9-бобларида назарда тутилган ҳолларда жамият томонидан битимлар тузиш тўғрисида қарор қабул қилиш;

Жамият бошқаруви аффилланган шахслар билан ва йирик битимларни мустақил амалга ошириши учун Жамиятнинг жорий хўжалик фаолияти билан боғлиқ битимларни аниқлаш;

қонун хужжатларига мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар жамиятнинг бошқарувига ҳал қилиши учун берилиши мүмкин эмас.

Акциядорлар умумий йиғилишининг ваколат доирасига киритилган масалалар жамиятнинг кузатув кенгаши ҳал қилиши учун берилиши мүмкин эмас.

81. Акциядорларнинг умумий йиғилишида овозга қўйилган масалалар бўйича қўйидагилар овоз бериш хукуқига эга бўлади:

- жамиятнинг оддий акциялари эгалари бўлган акциядорлар;
- Ўзбекистон Республикасининг “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонунида ва ушбу уставда назарда тутилган ҳолларда жамиятнинг имтиёзли акциялари эгалари бўлган акциядорлар.

82. Овозга қўйилган масала бўйича акциядорлар умумий йиғилишининг қарори, агар Ўзбекистон Республикасининг “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонунида бошқача коида белгиланмаган бўлса, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади. Акциядорлар умумий йиғилишининг қарори тўлиқ расмийлаштирилганидан сўнг ўн кунлик муддатда Давлат активларини бошқариш агентлигининг “Давлат мулки” ахборот тизимиға жойлаштирилади.

83. Акциядорларнинг умумий йиғилишида овозга қўйилган, ҳал қилиш чоғида жамиятнинг оддий ва имтиёзли акциялари эгалари бўлган акциядорлар овоз бериш хукуқига эга бўладиган масала юзасидан овозларни санаб чикиш овоз берувчи акцияларнинг барчаси бўйича биргаликда амалга оширилади.

84. Қўйидаги масалалар бўйича қарор Акциядорлар умумий йиғилиши томонидан Акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади:

жамиятнинг янги таҳрирдаги уставини ва унга киритиладиган ўзгартириш ва қўшимчаларни тасдиқлаш;

жамиятни қайта ташкил этиш;

жамиятни тугатиш, тугатиш комиссиясини тайинлаш ҳамда оралиқ ва якуний тугатиш балансларини тасдиқлаш;

эълон қилинган акцияларнинг энг кўп миқдорини белгилаш;

жамият кузатув кенгашининг ўз ваколат доирасига кирадиган масалалар юзасидан, шу жумладан жамиятни бошқаришга доир қонун хужжатларида белгиланган талабларга риоя этилиши юзасидан жамият кузатув кенгашининг хисоботларини эшлиши;

Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонунининг 8- ва 9-бобларида назарда тутилган ҳолларда жамият томонидан битимлар тузиш тўғрисида қарор қабул қилиш;

баланс қиймати ёки олиш қиймати битим тузиш тўғрисида қарор қабул қилинаётган санада Жамият соф активлари микдорининг эллик фоизидан ортигини ташкил этувчи мол-мулк хусусида йирик битим тузиш;

Аффилланган шахс(лар) билан тузилаётган битимни маъқуллаш.

85. Акциядорларнинг умумий йигилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

86. Акциядорларнинг умумий йигилиши томонидан қабул қилинган қарорлар, шунингдек овоз бериш якунлари ушбу қарорлар қабул қилинган санадан эътиборан ўттиз кундан кечиктирмай қонун хужжатларида белгиланган тартибда акциядорлар эътиборига етказилади.

87. Акциядорлар Умумий йигилишининг ваколат доирасига киритилган масалалар ҳал қилиш учун Жамиятнинг Кузатув кенгашига берилиши мумкин эмас, амалдаги қонунчиликка мувофиқ Жамият уставига жамиятнинг устав фондини кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги масалаларни ҳал этиш бундан мустасно.

Акциядорлар умумий йигилишини ташкиллаштириш ва ўтказиш билан боғлиқ бошқа масалалар амалдаги қонунчилик билан тартибга солинади ва Жамиятнинг “Акциядорлар умумий йигилиши тўғрисидаги Низоми” билан белгиланади.

11. ЖАМИЯТНИНГ КУЗАТУВ КЕНГАШИ

88. Жамиятнинг Кузатув кенгashi жамият фаолиятига умумий раҳбарликни амалга оширади, Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонунида ва ушбу устав билан акциядорлар умумий йигилишининг ваколат доирасига киритилган масалаларни ҳал этиш бундан мустасно.

89. Акциядорлар умумий йигилишининг қарорига кўра Жамият Кузатув кенгашининг аъзолари (шу жумладан мустаъқил аъзо)га улар ўз вазифаларини бажариб турган давр учун ҳақ тўланиши ва (ёки) Кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг микдорлари Акциядорларнинг умумий йигилиши қарори билан белгиланади.

90. Жамият кузатув кенгашининг ваколат доирасига қуйидагилар киради:

жамиятни ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг хисоботини мунтазам равишда эшлишиб борган ҳолда жамият фаолиятининг устувор йўналишларини белгилаш;

акциядорларнинг йиллик ва навбатдан ташқари умумий йигилишларини чакириш, бундан Ўзбекистон Республикасининг “Акциядорлик жамиятлари ва акциядорларнинг хукукларини ҳимоя қилиш тўғрисида”ги Конуни 65-моддасининг ўн биринчи қисмида назарда тутилган ҳоллар мустасно;

акциядорлар умумий йигилишининг кун тартибини тайёрлаш;

акциядорларнинг умумий йигилиши ўтказиладиган сана, вақт ва жойни белгилаш;

акциядорларнинг умумий йигилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш масаласини акциядорларнинг умумий йигилиши ҳал қилиши учун киритиш;

мол-мулкнинг бозор қўйматини белгилашни ташкил этиш;

жамият Бошқарув раисининг ўринбосарини сайлаш (тайинлаш) ва унинг ваколатларини ўрнатилган тартибда муддатидан илгари тугатиш;

жамиятнинг бошқарув аъзоларини тайинлаш ва уларининг ваколатларини муддатидан илгари тугатиш;

жамиятнинг Бошқарув раиси ва бошқарув аъзоларига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;

жамиятнинг йиллик бизнес-режасини тасдиқлаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;

ички аудит хизматини ташкил этиш ва унинг ходимларини танлов асосида сайлаш, шунингдек ҳар чоракда унинг ҳисоботларини эшлиб бориш;

жамият ижроия органининг фаолиятига дахлдор ҳар қандай хужжатлардан эркин фойдаланиш ва жамият Кузатув кенгаши зиммасига юқлатилган вазифаларни бажариш учун бу хужжатларни ижроия органидан олиш. Жамият Кузатув кенгаши ва унинг аъзолари олинган хужжатлардан фақат хизмат мақсадларида фойдаланиши мумкин;

аудиторлик текширувани ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш;

дивиденд миқдори, уни тўлаш шакли ва тартиби юзасидан тавсиялар бериш;

жамиятнинг захира фонди ва бошқа фондларидан фойдаланиш;

жамиятнинг филиалларини ташкил этиш ва ваколатхоналарини очиш;

жамиятнинг шўъба ва тобе хўжалик жамиятларини ташкил этиш;

Ўзбекистон Республикасининг “Акциядорлик жамиятлари ва акциядорларнинг хукукларини ҳимоя қилиш тўғрисида”ги Конуни 8- ва 9-бобларида назарда тутилган ҳолларда битимлар тузиш ҳақида қарор қабул қилиш;

жамиятнинг тижорат ва нотижорат ташкилотлардаги иштироки билан боғлиқ битимларни қонун хужжатларида белгиланган тартибда тузиш;

жамиятнинг устав фондини кўпайтириш масалаларини, шунингдек жамият уставига жамиятнинг устав фондини кўпайтириш ҳамда жамиятнинг

эълон қилинган акциялари сонини камайтириш билан боғлиқ ўзгартиш ва кўшимчалар киритиш тўғрисидаги масалаларни ҳал қилиш;

акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида карор қабул қилиш;

қимматли қоғозларнинг ҳосилаларини чиқариш тўғрисида карор қабул қилиш;

жамиятнинг корпоратив облигацияларини қайташиб сотиб олиш тўғрисида карор қабул қилиш;

акциядорларнинг умумий йигилиши ва конун хужжатларида белгиланган доирада ҳомийлик (хайрия) ёки бегараз ёрдам кўрсатиш (олиш) тартиби ва шартларини, бу борада қарор қабул қилиш тартибини белгилаш ҳамда бу ҳакда барча акциядорлар учун маълумотларни Жамиятнинг веб-сайтида ошкор этиш тарзида бериш;

қимматли қоғозлар чиқарилиши тўғрисидаги қарор (акциялар, облигациялар) ва эмиссия рисоласини тасдиқлаш;

қимматли қоғозлар чиқарилиш тўғрисидаги қарорга (акциялар, облигациялар) ва эмиссия рисоласига киритилаётган ўзгартиришлар ва (ёки) кўшимчалар матнини тасдиқлаш;

мулкни бегоналаштириш, уни сотиш шакли ва механизмини, шунингдек устав капиталига учинчи шахслар томонидан инвестиция киритиш бўйича келишувларни (битим, шартнома, меморандум ва бошқалар) келишиш;

Жамият кузатув кенгашининг ваколат доирасига Ўзбекистон Республикаси “Акциядорлик жамиятлари ва акциядорларнинг хукукларини ҳимоя қилиш тўғрисида”ги Конуни ва ушбу уставга мувофиқ бошқа масалаларни ҳал этиш ҳам киритилиши мумкин.

91. Жамият Кузатув кенгашининг ваколат доирасига киритилган масалалар ҳал қилиш учун Жамиятнинг Бошқарувига ўтказилиши мумкин эмас.

92. Жамият кузатув кенгашининг аъзолари Ўзбекистон Республикаси «Акциядорлик жамиятлари ва акциядорларнинг хукукларини ҳимоя қилиш тўғрисида»ги Конунида ва ушбу уставда назарда тутилган тартибда акциядорларнинг умумий йигилиши томонидан уч йил муддатга сайланади.

Жамият кузатув кенгашининг мустақил аъзолигига номзод Жамият кузатув кенгаши томонидан акциядорларнинг умумий йигилиши кўриб чиқиши учун танлов асосида кўрсатилади.

93. Жамиятнинг Кузатув кенгаши таркибига сайланган шахслар чекланмаган тарзда қайта сайланиши мумкин.

94. Жамият Бошқаруви аъзолари ва Бошқарув раиси Жамиятнинг кузатув кенгашига сайланиши мумкин эмас. Айни шу жамиятда меҳнат шартномаси (контракт) бўйича ишлаётган шахслар Жамиятнинг Кузатув кенгаши аъзоси (шу жумладан мустақил аъзо) бўлиши мумкин эмас.

95. Жамият Кузатув кенгашининг сон таркиби 7 (етти) аъзодан иборат этиб белгиланади. Шундан, 1 (бир) нафар аъзо Кузатув кенгашининг мустақил аъзоси хисобланади. Кузатув кенгашининг мустақил аъзоси Кузатув

кенгашининг бошқа аъзолари билан бир каторда тенг хукуклар ва мажбуриятларга эга ҳисобланади.

Кузатув кенгаши аъзоларидан иборат Стратегия ва инвестициялар, Аудит, Тайинловлар ва ҳақ тўлаш, Коррупцияга қарши курашиш ва этика кўмиталари ташкил этилиши мумкин.

96. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони Жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлик беришга ёки икки ва ундан ортиқ номзодлар ўртасида тақсимлашга ҳакли.

Энг кўп овоз тўплаган номзодлар Жамият кузатув кенгашининг таркибига сайланган деб ҳисобланади.

97. Жамият Кузатув кенгашининг раиси Кузатув кенгаши аъзолари томонидан уларнинг ўзлари орасидан Кузатув кенгаши аъзолари умумий сонига нисбатан кўпчилик овоз билан сайланади.

98. Жамият Кузатув кенгаши ўз раисини Кузатув кенгаши жами аъзоларининг кўпчилик овози билан қайта сайлашга ҳаклидир.

99. Жамият Кузатув кенгашининг раиси унинг ишини ташкил этади, Кузатув кенгаши мажлисларини чакиради ва уларда раислик қиласди, мажлисда баённома юритилишини ташкил этади, Акциядорлар умумий йигилишида раислик қиласди ва унинг Раёсати таркибига киради, жамият номидан Жамият Бошқарув раисини ва бошқарув аъзоларини ёллаш тўғрисида меҳнат шартномасини тузади.

100. Жамият Кузатув кенгашининг раиси йўклигида унинг вазифасини Кузатув кенгаши аъзоларидан бири бажарип туради.

101. Жамият Кузатув кенгашининг мажлиси Кузатув кенгашининг раиси томонидан унинг ўз ташаббуси билан, Кузатув кенгашининг аъзоси, аудиторнинг, Жамият Бошқарувининг ҳамда Жамиятнинг бир фоиздан кам бўлмаган акциясига эга бўлган акциядор (акциядорлар)ининг талабига биноан чакирилади. Жамият Кузатув кенгашининг мажлисини чакириш ва ўтказиш тартиби “O’zagrolizing” Айнинг Кузатув кенгаши тўғрисида Низом”да белгилаб кўйилади.

102. Кузатув кенгаши мажлисини ўтказиш учун кворум Кузатув кенгашига сайланган аъзоларнинг етмиш беш фоизидан кам бўлмаслиги керак. Кузатув кенгаши аъзоларининг сони ушбу микдордан кам бўлиб қолса, жамият Кузатув кенгашининг янги таркибини сайлаш учун Акциядорларнинг навбатдан ташқари умумий йигилиши чакирилиши шарт. Кузатув кенгашининг колган аъзолари акциядорларнинг бундай навбатдан ташқари умумий йигилишини чакириш тўғрисида қарор қабул қилишга, шунингдек Жамият ижроия органи раҳбарининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳаклидир.

103. Жамият Кузатув кенгашининг мажлисида қарорлар, агар кузатув кенгашининг мажлисини чакириш ва ўтказиш тартибини белгилаш Ўзбекистон Республикасининг “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонунида, ўзгача қоида назарда

тутилмаган бўлса, мажлисда ҳозир бўлганларнинг кўпчилик овози билан қабул қилинади. Жамият Кузатув кенгашининг мажлисида масалалар ҳал этилаётганда Кузатув кенгашининг ҳар бир аъзоси битта овозга эга бўлади.

104. Жамиятнинг устав фондини қўшимча акцияларни жойлаштириш йўли билан қўпайтириш тўғрисидаги ва жамият уставига тегишли ўзгартишлар киритиш, акцияларга айирбошланадиган корпоратив облигациялар чиқариш тўғрисида қарор қабул қилинганда, йирик битим ҳамда аффилланган шахс билан тузилаётган битимни маъқуллаш ҳакидаги қарор мажлисида иштирок этаётган жамият кузатув кенгashi аъзолари томонидан бир овоздан қабул қилинади.

105. Кузатув кенгашининг бир аъзоси ўз овозини Кузатув кенгашининг бошқа аъзосига бериши мумкин эмас.

106. Жамият кузатув кенгashi аъзоларининг овозлари teng бўлган тақдирда Кузатув кенгashi томонидан қарор қабул қилишда Жамият кузатув кенгashi раисининг овози ҳал қилувчи хукуқка эгадир.

107. Жамият кузатув кенгашининг мажлисида баённома юритилади. Кузатув кенгashi мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида куйидагилар кўрсатилади:

мажлис ўтказилган сана, вакт ва жой;

мажлисда ҳозир бўлган шахслар;

мажлиснинг кун тартиби;

овоз беришга қўйилган масалалар, улар юзасидан ўтказилган овоз бериш якунлари;

қабул қилинган қарорлар.

108. Жамият кузатув кенгashi мажлисининг баённомаси мажлисида иштирок этаётган жамият кузатув кенгashi аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади. Мажлис баённомаси тўлиқ имзолданганидан сўнг ўн кунлик муддатда Давлат активларини бошқариш агентлигининг “Давлат мулки” ахборот тизимига жойлаштирилади.

109. Жамият кузатув кенгашининг қарорлари сиртдан овоз бериш йўли билан (сўров йўли билан) Жамият кузатув кенгашининг барча аъзолари томонидан бир овоздан қабул қилиниши мумкин.

110. Жамият кузатув кенгashi мажлисининг баённомаси имзолangan куни жамиятнинг бошқарувига ижро этиш учун топширилади. Кузатув кенгashi акциядорларнинг умумий йиғилишини чакириш тўғрисида қарор қабул қилган тақдирда мазкур қарор ҳакидаги ахборот Жамиятнинг Бошқарувига Кузатув кенгашининг мажлиси ўтказиладиган куни топширилади.

111. Аффилланган шахс билан тузилаётган битимни маъқуллаш ҳакидаги қарор мажлисида иштирок этаётган жамият кузатув кенгashi аъзолари томонидан бир овоздан ёхуд акциядорларнинг умумий йиғилишида иштирок этаётган акциядорларнинг малакали кўпчилик овози билан қабул қилинади.

12. ЖАМИЯТ БОШҚАРУВИ

112. Жамиятнинг кундалик фаолиятига раҳбарлик 5 кишидан иборат коллегиал ижроия орган – Бошқарув томонидан амалга оширилади.

Бошқарув раиси жамият акциядорларининг умумий йиғилиши томонидан сайланади.

Бошқарув раисининг ўринбосари Жамият Кузатув кенгаши томонидан сайланади.

Бошқарув аъзолари Кузатув кенгаши йиғилиши томонидан қабул қилинадиган қарорга мувофиқ тайинланади.

113. Жамият Бошқарувининг ваколатларига Жамиятнинг кундалик фаолиятига раҳбарлик қилишга доир барча масалалар киради, Акциядорлар умумий йиғилишининг ёки Кузатув кенгашининг мутлақ ваколатларига киритилган масалалар бундан мустасно.

114. Жамиятнинг Бошқаруви Жамият устави асосида иш юритади.

115. Жамият Бошқарувининг мажлисида баённома юритилади. Жамият бошқаруви мажлисининг баённомаси Кузатув кенгашининг талабига кўра уларга берилади.

Жамиятнинг бошқаруви мажлислари ўтказилишини Бошқарув раиси ташкил этади, у Жамият номидан барча ҳужжатларни ҳамда Жамият Бошқаруви мажлиси баённомаларини имзолайди.

116. Жамият бошқаруви Акциядорлар умумий йиғилиши ва Кузатув кенгашининг қарорлари бажарилишини ташкил этади.

117. Жамият Бошқарув раиси:

- Жамият номидан ишончномасиз иш юритади, шу жумладан унинг манфаатларини ифодалайди, Жамият номидан битимлар тузади, Жамиятнинг филиаллари, шўъба ва тобе хўжалик жамиятлари раҳбарларини тайинлади, штатларни тасдиқлайди, жамиятнинг барча ходимлари бажариши мажбурий бўлган бўйруқлар чиқаради ва кўрсатмалар беради;

- Бошқарув фаолиятига раҳбарликни амалга оширади, Жамиятга топширилган вазифаларнинг бажарилишига шахсан жавоб беради, Бошқарув раисининг ўринбосари - лизинг лойиҳалари маркетинги ва мониторинги бўйича директор, Бошқарув аъзолари ва ижроия аппаратнинг бошқа таркибий бўлинмалари раҳбарлари ўртасида хизмат вазифаларини тақсимлайди;

- амалдаги қонунчилик ва ушбу устав меъёрларига мувофиқ Жамият ваколатига кирган масалалар бўйича бўйруқлар, йўриқномалар ва бошқа меъёрий ҳужжатларни имзолайди;

- амалдаги қонунчилик ва ушбу устав меъёрларига мувофиқ Жамият мол-мулки ва маблағларини тасарруф этади. Ўзбекистон Республикаси ва ундан ташқарида Жамият номидан иш юритади, юридик ва жисмоний (шу жумладан хорижий) шахслар билан Жамият номидан шартномалар ва бошқа битимлар тузади.

118. Бошқарув раиси Бошқарув қошида Ўзбекистон Республикасининг амалдаги қонунчилиги ва бошқа меъёрий ҳужжатларга мувофиқ ижро этувчи аппарат тузади.

119. Бошқарув раиси ўз фаолиятини амалдаги қонунчилик ва ушбу устав меъёрларига, Акциядорларнинг умумий йиғилиши томонидан тасдиқланган “O’zagrolizing” Аjnинг Бошқаруви тўгрисида Низом”га ҳамда Бошқарув раиси

ва Кузатув кенгаши ўртасида уч йил муддатга тузилган меҳнат шартномасига мувофиқ амалга оширади. Шартномани Жамият номидан Кузатув кенгашининг раиси ёки Кузатув кенгаш номидан вакил қилинган шахс имзолайди.

120. Бошқарув раиси йилнинг ҳар чорагида йиллик “Бизнес-режа” параметрлари бажарилишининг бориши тўғрисида Кузатув кенгашига, йил якуни бўйича Акциядорлар умумий йиғилишига хисобот беради.

121. Бошқарув раисининг бир вақтнинг ўзида бошқа ташкилотлар бошқарув органларидаги лавозимларда ҳам ишлашига фақат Кузатув кенгашининг розилиги асосидагина рухсат этилади.

122. Бошқарув раиси ва Бошқарув аъзолари Кузатув кенгашига сайланишлари ва тайинланишлари мумкин эмас.

123. Бошқарув раиси баъзи сабабларга кўра ўз лавозим вазифасини бажариш имкониятига эга бўлмай қолса, у ҳолда Кузатув кенгаши томонидан, Бошқарув раиси вазифаларини вақтинча бажариб туришни Бошқарув раисининг ўринbosари ёки бошқарув аъзоларидан бири зиммасига юклаш тўғрисида қарор қабул қилинади.

124. Жамиятнинг Кузатув кенгаши аъзолари ва Бошқарув раиси ўз хукук ва мажбуриятларини амалга ошираётганларида Жамият манфаатларидан келиб чиқкан ҳолда ҳаракат қилишлари шарт.

125. Акциядорлар вакили сифатида иштирок этувчи Бошқарув раиси ва Бошқарув аъзолари жамият Бошқарув раисини сайлаш масаласида овоз бериш хукуқига эга эмас.

126. Жамиятнинг Кузатув кенгаши аъзолари ва Бошқарув раиси амалдаги қонунчилик хужжатлари ва ушбу устав меъёрларига мувофиқ Жамият олдида масъулдирлар.

127. Жамиятни зарар кўришига олиб келган масалалар юзасидан қабул қилинган қарорлар бўйича овоз беришда қатнашмаган ёки қарши овоз берган Жамиятнинг Кузатув кенгаши аъзолари ва Бошқарув аъзолари масъулиятдан озод этиладилар.

128. Жамият ёки Жамиятнинг энг камида бир фоиз жойлаштирилган акцияларига эга бўлган акциядор (акциядорлар), Жамиятга етказилган зарарни қопланишини талаб этиб, Кузатув кенгашининг аъзоси ёки Бошқарув раисига нисбатан даъво қўзғатган ҳолда Судга мурожаат қилиши мумкин.

129. Жамиятнинг миноритар акциядори хужжатларни асоссиз равишда талаб қилиш ва маҳфий ахборотлар, тижорат сирларини қўллаш йўли билан Жамият бошқарув органи фаолиятига тўсқинлик қилишга ҳакли эмас.

13. ИЧКИ АУДИТ ХИЗМАТИ

130. Жамиятда ички аудит хизмати ташкил этилади. Ички аудит хизмати Жамиятнинг Кузатув кенгашига хисобдордир.

131. Ички аудит хизмати Жамиятнинг ижроия органи ва филиаллари томонидан қонун хужжатларига, таъсис хужжатлари ва бошқа хужжатларга риоя этилишини, бухгалтерия ҳисоби ва молиявий хисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг

сақланишини, шунингдек Жамиятни бошқариш юзасидан қонун хужжатларида белгиланган талабларга риоя этилишини текшириш ва бу борада мониторинг олиб бориш орқали Жамиятнинг ижроия органи ва филиаллари ишини назорат қиласи ҳамда баҳолайди.

132. Ички аудит хизмати ички назоратни, шу жумладан, 50 фоиздан зиёд улуши Жамиятга тегишли бўлган юридик шахслар билан ўтказилган операциялар устидан назоратни амалга оширади.

133. Ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

14. КОРПОРАТИВ МАСЛАҲАТЧИ

134. Жамиятда Кузатув кенгашининг қарори асосида корпоратив маслаҳатчи лавозими ташкил этилиши мумкин. Корпоратив маслаҳатчи Жамиятнинг Кузатув кенгашига ҳисобдордир.

135. Жамият фаолиятида корпоратив конунчилик талабларига риоя этилишини назорат қилиш корпоратив маслаҳатчининг асосий вазифаси ҳисобланади.

15. ЖАМИЯТНИНГ ФИЛИАЛЛАРИ, ВАКОЛАТХОНАЛАРИ, ШЎЬБА ВА ТОБЕ ХЎЖАЛИК ЖАМИЯТЛАРИ

136. Жамият ўзбекистон Республикаси худудида ва хорижда ўз филиаллари, шўъба корхонаси, тобе корхоналарини ташкил этиш ва ваколатхоналар очишга ҳақли.

137. Жамиятнинг филиаллари Жамиятнинг таркибий бўлинмаси ҳисобланади. Филиаллар юридик шахс мақомига эга эмас. Улар Жамиятнинг Кузатув кенгаши томонидан тасдиқланган “Низомлар” асосида иш юритади. Жамиятнинг филиалларга бериб қўйилган мол-мулки Жамият балансида ҳисобга олинади.

138. Жамиятнинг филиаллари алоҳида мустақил бухгалтерия баланси ёки мустақил ҳисоб рақамига эга бўлиши мумкин эмас.

139. Филиалларнинг раҳбарлари Жамият Бошқарув раиси томонидан тайинланади ва Жамият томонидан берилган ишончнома асосида иш юритади.

140. Жамиятнинг хориждаги ваколатхонаси (ёки тобе корхонаси) фаолияти Ўзбекистон Республикаси томонидан ратификация қилинган халқаро меъёрий хужжатлар, мазкур ваколатхона (тобе корхона) жойлашган мамлакат қонунлари ва Ўзбекистон Республикаси билан мазкур хорижий давлат ўртасида икки тарафлама имзоланган давлатлараро келишуввлар нормалари билан тартибга солинади.

141. Жамият акциядорлик жамияти ёки масъулияти чекланган жамият шаклидаги шўъба ва тобе хўжалик жамиятларига эга бўлиши мумкин.

142. Шўъба ва тобе хўжалик жамиятлари Жамиятнинг мажбуриятлари юзасидан жавобгар эмас.

143. Шўъба хўжалик жамиятининг уставида назарда тутилган тақдирда Жамият унга мажбурий кўрсатма бериш ҳукуқига эга бўлади.

144. Шўъба хўжалик жамияти Жамиятнинг айби билан банкрот бўлган тақдирда Жамият шўъба хўжалик жамиятининг мажбуриятлари юзасидан субсидиар жавобгар бўлади.

Жамият шўъба хўжалик жамияти томонидан муайян харакатлар амалга оширилиши оқибатида унинг банкрот бўлиб қолишини олдиндан била туриб, шундай харакатларни амалга ошириши учун шўъба хўжалик жамиятига мажбурий кўрсатма берган ва (ёки) шўъба хўжалик жамиятининг имкониятидан фойдаланган ҳоллардагина шўъба хўжалик жамиятининг банкротлиги Жамиятнинг айби билан юз берган деб ҳисобланади.

145. Филиаллар, ваколатхоналар ва шўъба хўжалик жамиятининг тузилмаси, ходимлар сони ва штатлар жадвали Жамият Бошқарув раиси томонидан буйруқ асосида тасдиқланади.

146. Жамият куйидаги филиалларга эга:

- “O’zagrolizing” aksiyadorlik jamiyati Qoraqalpog’iston Respublikasi filiali;
- “O’zagrolizing” aksiyadorlik jamiyati Andijon viloyati filiali;
- “O’zagrolizing” aksiyadorlik jamiyati Buxoro viloyati filiali;
- “O’zagrolizing” aksiyadorlik jamiyati Jizzax viloyati filiali;
- “O’zagrolizing” aksiyadorlik jamiyati Qashqadaryo viloyati filiali;
- “O’zagrolizing” aksiyadorlik jamiyati Navoiy viloyati filiali;
- “O’zagrolizing” aksiyadorlik jamiyati Namangan viloyati filiali;
- “O’zagrolizing” aksiyadorlik jamiyati Samarcand viloyati filiali;
- “O’zagrolizing” aksiyadorlik jamiyati Sirdaryo viloyati filiali;
- “O’zagrolizing” aksiyadorlik jamiyati Surxondaryo viloyati filiali;
- “O’zagrolizing” aksiyadorlik jamiyati Toshkent viloyati filiali;
- “O’zagrolizing” aksiyadorlik jamiyati Farg’ona viloyati filiali;
- “O’zagrolizing” aksiyadorlik jamiyati Xorazm viloyati filiali.

147. Жамият куйидаги масъулияти чекланган жамият шўъба корхонаси ва масъулияти чекланган жамият шаклидаги тобе корхоналарга эга:

- “UzMashLizing” mas’uliyati cheklangan jamiyati;
- “Lizing texnika servis” mas’uliyati cheklangan jamiyati;
- “Lizing axborot texnologiyalari” mas’uliyati cheklangan jamiyati;
- “Sirdaryolik yoshlar MTP” mas’uliyati cheklangan jamiyati;
- “Yangi zamon yoshlari MTP” mas’uliyati cheklangan jamiyati.

16. ЖАМИЯТНИНГ БУХГАЛТЕРИЯ ҲИСОБ-КИТОБИ ВА ЙИЛЛИК ҲИСОБОТИ

148. Жамият конун хужжатларида белгиланган тартибда бухгалтерия ҳисоб-китобини юритиши ва молия ҳисоботини тақдим этиши шарт.

149. Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган жамият фаолияти тўғрисидаги маълумотлар ўз вақтида тақдим этилиши учун жавобгарлик жамият ижроия органининг зиммасида бўлади.

150. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва заарлар ҳисобварагидаги маълумотларнинг ишончлилиги мулкий манфаатлари жамият ёки унинг акциядорлари билан боғлик бўлмаган аудиторлик ташкилоти томонидан тасдиқланган бўлиши керак.

151. Жамиятнинг йиллик ҳисботи акциядорларнинг йиллик умумий йиғилиши ўтказиладиган санадан ўн кундан кечиктирмай жамиятнинг Кузатув кенгаши томонидан дастлабки тарзда тасдиқланиши лозим.

152. Жамият Халқаро молиявий ҳисбот стандартларига мувофиқ тузилган йиллик молиявий ҳисботни у Халқаро аудит стандартларига мувофиқ ташки аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилиши шарт.

153. Жамиятнинг молия-хўжалик фаолияти солиқ ва молия органлари ёки ўз ваколатлари доирасида бошқа давлат органлари ҳамда зарурият бўлган ҳолларда шартнома асосида аудиторлик ташкилотлари томонидан текширилиши мумкин.

154. Жамиятнинг ўтган молиявий йил учун “бизнес режа” параметрлари соф фойда кўрсаткичи бажарилган тақдирда, унинг ҳомийлик ва бошқа қайтарилишадиган ёрдамлар учун харажатлари ўтган йил соф фойдасининг 3 фоизидан ошиб кетмаслиги шарти билан амалга оширилиши мумкин (бундан Ўзбекистон Республикаси Президенти ва Ҳукумати қарорларида назарда тутилган ҳоллар мустасно).

155. Жамият томонидан олинган ҳомийлик маблағлари ва бошқа қайтарилишадиган ёрдам тўғрисидаги маълумотлар оммавий ахборот воситаларида ва жамиятнинг расмий веб-сайтида ёритилиши ҳамда уларнинг алоҳидалашган ҳисоби юритилиши шарт.

17. НИЗОЛАРНИ ҲАЛ ЭТИЛИШИ

156. Жамиятнинг юридик мақоми, унинг фаолияти билан боғлик бўлган ёки юридик ва жисмоний шахслар билан бўлган ўзаро муносабатлари юзасидан келиб чиқувчи низолар Ўзбекистон Республикасининг амалдаги қонунчилик хужжатларига биноан судлар (шу жумладан, иқтисодий судлар томонидан кўриб чиқилади).

18. ЖАМИЯТНИ ҚАЙТА ТАШКИЛ ЭТИШ ВА ТУГАТИШ

157. Жамиятнинг қайта ташкил этиш, кўшиб юбориш, бирлаштириш, бўлиш, Жамиятдан ажратиб чиқариш ва қайта тузиш Акциядорларнинг умумий йиғилиши қарорига асосан амалдаги қонунчиликда ўрнатилган тартибларда амалга оширилади.

Жамиятни қайта ташкил этиш акциядорлар умумий йиғилишининг қарорига кўра кўшиб юбориш, кўшиб олиш, бўлиш, ажратиб чиқариш ва ўзгартириш шаклида амалга оширилади.

158. Жамиятни тугатиш унинг хукуқ ва мажбуриятлари хукукий ворислик тартибида бошқа шахсларга ўтмаган ҳолда Жамият фаолиятининг тўхтатилишига олиб келади.

159. Жамият ихтиёрий равишда тугатилган тақдирда, тугатилаётган Жамиятнинг Кузатув кенгаши Акциядорлар умумий йигилишининг хукмига Жамиятни тугатиш ва тугатувчини тайинлаш тўғрисидаги масалани ҳавола этади.

160. Ихтиёрий равишда тугатилаётган Жамият акциядорларининг умумий йигилиши тугатиш тўғрисида ва тугатувчини тайинлаш ҳақида қарор қабул килади.

161. Жамият суднинг қарори билан тугатилганда тугатувчини тайинлаш қонун хужжатларида белгиланган тартибида амалга оширилади.

162. Тугатувчи тайинланган пайтдан эътиборан Жамият ишларини бошқариш бўйича барча ваколатлар тугатувчига ўтади. Тугатувчи тугатилаётган Жамият номидан судда иштирок этади.

19. ЖАМИЯТНИ ТУГАТИШ ТАРТИБИ

163. Тугатувчи оммавий ахборот воситаларида Жамиятнинг тугатилиши ҳақида, шунингдек унинг кредиторлари томонидан талабларни баён этиш тартиби ва муддатлари тўғрисида қонун хужжатларида белгиланган тартибида эълон беради. Кредиторлар томонидан талаблар қўйиш учун белгиланган муддат Жамиятнинг тугатилиши тўғрисида хабар эълон килинган санадан эътиборан икки ойдан кам бўлмаслиги лозим.

164. Тугатувчи кредиторларни аниқлаш ва дебиторлик қарзларини олиш чора-тадбирларини кўради, шунингдек кредиторларни Жамиятнинг тугатилиши тўғрисида ёзма шаклда хабардор килади.

165. Кредиторлар томонидан талабларни қўйиш учун белгиланган муддат тугаганидан кейин тугатувчи оралиқ тугатиш балансини тузади, мазкур баланс тугатилаётган Жамият мол-мулкининг таркиби, кредиторлар қўйган талаблар, шунингдек уларни кўриб чиқиш натижалари ҳақидаги маълумотларни ўз ичига олади. Оралиқ тугатиш баланси Акциядорларнинг умумий йигилиши томонидан тасдиқланади.

166. Агар тугатилаётган Жамиятда мавжуд пул маблағлари кредиторларнинг талабларини қондириш учун етарли бўлмаса, тугатувчи Жамиятнинг мол-мулкини суд қарорларини ижро этиш учун белгиланган тартибида ким ошди савдосида сотишни амалга оширади.

167. Тугатилаётган Жамият кредиторларига пул суммаларини тўлаш қонун хужжатларида белгиланган навбат тартибида, тугатувчи томонидан оралиқ тугатиш балансига мувофик, у тасдиқланган кундан эътиборан амалга оширилади.

168. Кредиторлар билан ҳисоб-китоб қилиш тугаганидан кейин тугатувчи тугатиш балансини тузади, у акциядорларнинг умумий йигилиши томонидан тасдиқланади.

169. Жамият тугатилганида унинг мол-мулки акциядорлар ўртасида амалдаги қонунчилик меъёрлари талаби асосида тақсимланади.

170. Давлат рўйхатидан ўтказувчи орган юридик шахсларнинг ягона давлат реестрига тегишли ёзувларни киритиб кўйган пайтдан эътиборан Жамиятни тугатиш тамомланган, Жамият эса фаолиятини тугатган хисобланади.

20. ЯКУНИЙ ҚОИДАЛАР

171. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йули билан амалдаги конун хужжатлари ва ушбу уставга асосан ҳал килинади.

172. Низо ва келишмовчиликларни музокаралар йули билан ҳал қилиш имконияти бўлмаган тақдирда улар тегишли равишда суд орқали ҳал қилинади.

173. Устав бўйича белгиланмаган қоидалар Ўзбекистон Республикаси “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Конуни ва Ўзбекистон Республикасининг бошқа конун хужжатлари талабларига асосан амалга оширилади.

**“O‘zagrolizing”
акциядорлик жамияти**